

Laporan pendidikan ketiga bakal dikeluarkan
Malaysiakini.com
November 21 ,2011
by Nigel Aw

Semakan sistem pendidikan di negara yang sekian lama tertangguh, kini dalamn perancangan, kata Menteri Pelajaran Tan Sri Muhyiddin Yassin.

"Selepas Laporan Razak dan Laporan Rahman Talib, tidak ada satu kajian menyeluruh berhubung apa yang harus kita lakukan (dalam sistem pendidikan).

"Sudah lebih empat puluh tahun, saya rasakan bahawa ia sudah terlalu lama," katanya pada majlis pelancaran buku bertajuk Sudut Pandang Muhyiddin Yassin di Putrajaya hari ini.

Sehubungan itu, kata Muhyiddin, panel bagi mengkaji sistem pendidikan itu telah ditubuhkan dengan beberapa cadangannya telah dibentangkan kepadanya. Laporan penuh dijangka siap sebelum akhir tahun depan.

"Selepas ini, adalah peringkat bagi pakar-pakar tempatan dan antarabangsa untuk melihat apa yang boleh diperbaiki.

"Dalam proses itu, akan diadakan beberapa siri perbincangan. Saya akan minta semua pihak yang berkepentingan untuk tampil berbincang," kata Muhyiddin.

Copyright © 1999-2007 Mkini Dotcom Sdn. Bhd
<http://www.malaysiakini.com/news/181962>